

**NZQA**


Mana Tohu Mātauranga o Aotearoa  
New Zealand Qualifications Authority



# Tau fakamaamaaga ke lata mo e NCEA

Niuean

## Numela ma e Tama Aoga (NSN):



Igatia oti e tau fanau aoga mo e numela nai (NSN). Kua lata ia koe ke iloa haau a numela, mo e leveki fakamitaki atu ki ai. Maeke he haau a aoga ke foaki atu ki a koe e numela haau. Fakaaoga e koe e numela nai ke taute aki taha fakamauaga ma haau he kupega hila he NZQA. Fakaaoga foki e koe e e fakamauaga nai ke lata mo e tau kamatamata ki luga he kupega hila mo e ke kitia e tau ola haau.



Ke taute aki e taha fakamauaga po ke hafagi aki e kupega hila nai [www.nzqa.govt.nz](http://www.nzqa.govt.nz), fofota e 'Login' ha na i luga he faahi matau.

## Folafolaaga

Haau a Fenoga 4

---

NCEAtau fakamaamaaga 7

---

Tau puhala he NCEA 11

---

Fuafuaaga / Tau Kamatamata 16

---

Tau Fakamooliaga 20

---

University Entrance 23

---

Tau Koloa Aoga 29

---




# Haau a Fenoga



Ko e heigoa haau a tau manako mo e tau amaamanakiaga? Ko e heigoa haau a gahua ne manako lahi ki ai? Manako a koe ke gahua i Aotearoa Niu Silani po ke tau motu i fafo?

Ke hokotia atu ke he haau a tau manako, ko e heigoa e tau mena ne kua lata ia koe ke fakaako ki ai? Manako nakai a koe ke fakaako ke he tau matapatu nei he nofo agaia he aoga, ko e Science, Technology, po ke Tau Numela? Manako nakai a koe ke matutaki atu haau a tau fakaako?






Ko e NCEA ma e tau tagata oti, ki a lautolu ne manako ke moua e tau fakaakoaga gahua, tau fakaako tokoluga, po ke manako ke gahua ka oti mai mo e tau aoga.

To fai kehe haau a totogi anoiha kaeke kua moua e koe e NCEA. Ke he hiva e tau he oti mai mo e tau aoga, fakalahi ua e tau totogi ha lautolu ne moua e NCEA Level 2

ka fakatatai atu ki a lautolu ne nakai fai fakamailoga fakaako.

Kaeke ke fakatumau ke nonofo he tau aoga mo e moua e University Entrance (UE), kua fuafua ki ai to tokoluga hake e haau a totogi (25 e pasene) ka fakatatai atu kaeke kua oti mai a koe he aoga mo e NCEA Level 2.



# NCEA tau fakamaaaga




Kakano he NCEA, ko e **National Certificate of Educational Achievement**. Ko e fakamailoga ni a nei ke lata mo e tau fanau fakaako he tau aoga tokoluga, tolu la e fakapapahiaga ke moua 1, 2 mo e 3. Kua mailoga he tau motu he lalolagi e fakamailoga NCEA nai.


## Tau Fakapapahiaga



**NCEA Fakapapahiaga 1**  
ke moua e koe e falikiaga  
malolō ke he tau puhala  
fakaako mo e lotomatala  
ke fakalaulahi atu.



**NCEA Fakapapahiaga 2**  
fakaaoga e koe e  
fakamailoga nai ke moua  
falu a gahua pihia mo e  
falu a fakaakoaga ke he  
tau aoga pulotu.



**NCEA Fakapapahiaga 3**  
lagomatai aki a koe ke  
lata mo e tau gahua pihia  
mo e tau fakaakoaga ma  
e tau faahi gahua.





Ka manako ke finatu ke he aoga pulotu po ke faaako ke he taha tikulī, kua lata ia koe ke moua e University Entrance (UE). Ko e taha a nei he tau manako he UE, ke moua e koe e NCEA Fakapapahiaga 3.

Ko e laulahi he tau fanau he Vahega 11 kamata he NCEA Fakapapahiaga 1, mo e holo hake ke he Fakapapahiaga 2 he Vahega 12, mo e Fakapapahiaga 3 he Vahega 13. Falu a aoga kua fakamatapatu lahi ke he Veveheaga 2 he tau Vahega 11 mo e 12.

Nakai fooma e mena nei, ke fakaako ke he tau fakapapahiaga kehekehe, ko e uta ni e fifiliaaga nei ke he tau fakaholoaga.

Fakatai, kaeke kua fakaako a koe ke he Fakapapahiaga 2, maeke ia koe ke kamata taha fakaakoaga fooma he Fakapapahiaga 1 po ke Fakapapahiaga 3 ha ko e uta ni ke he haau a lotomatala.

Ai fai fakatokaaga ne pehē ke fakaoti fakamua e taha Veveheaga to holo hake ke he taha Veveheaga.

## **Fakatokatoka Haau a tau Fakaakoaga**

Kaeke kua fakauaua ke he tau fakaakoaga ne manako a koe ki ai, tutala atu ke he tau faiaoga mo e tau Ulu Gahua haau, to tali atu e lautolu haau a tau hūhū hagamā ia ke he NCEA mo e lagomatai atu ki a koe ke taute haau a fakaholoaga fakaako ke hokotia atu ke he tau mena kua manako a koe ki ai.

Kaeke kua fakauaua ke he tau fakaakoaga ne manako a koe ki ai, tutala atu ke he tau faiaoga mo e tau Ulu Gahua haau, to tali atu e lautolu haau a tau hūhū hagamā ia ke he NCEA mo e lagomatai atu ki a koe ke taute haau a fakaholoaga fakaako ke hokotia atu ke he tau mena kua manako a koe ki ai.

Ka holo hake a koe ke he NCEA Fakapapahiaga 2 mo e 3, ko e tau fakaakoaga kua fifili e koe ki ai to lauia ai foki haau a tau fifiliaga ka oti mai a

koe mo e aoga. Ko e tau fakaakoaga nai, Science, Technology, Engineering, mo e Mathematics (STEM), putoia ai e Vagahau faka-Peritania mo e/po ke Te Reo Maori, to lagomatai aki e haau a tau fifiliaga ke he loga e gahua kehekehe.

Pete ni ka nakai manako a koe ke finatu ke he taha aoga pulotu, mitaki lahi kaeke uta e koe tolu e fakaakoaga nai ke totou atu ke he UE. Kakano, maeke agaia a koe ke finatu ke he aoga pulotu he tau magahō i mua kaeke kua hiki haau a manatu.

# Tau puhala he NCEA



# Tau ola kua lata ke moua ma e NCEA

Ke lata mo e NCEA he tau 2024 mo e 2025,  
kua lata ia koe ke moua:

## NCEA Veveheaga 1

60 e ola he  
Fakapapahiaga 1

Totou mo e Tohitohi  
(Literacy) po ke  
Te Reo Matatini

Tau Numela  
(Numeracy) po ke  
Te Pāngarau

## NCEA Veveheaga 2

60 e ola he  
Fakapapahiaga 2

10 e ola mai he tau fakaakoaga Totou mo e Tohitohi  
(Literacy) po ke tau fakapapahiaga he Te Reo Matatini  
po ke falu a tau fakapapahiaga kua fakamooli ki ai.

10 e ola mai he tau fakaakoaga Tau Numela  
(Numeracy) po ke tau fakapapahiaga he Te Pāngarau  
po ke falu a tau fakapapahiaga kua fakamooli ki ai

## NCEA Veveheaga 3

60 e ola he  
Fakapapahiaga 3

## Tau Numela | Te Reo Matatini me Te Pāngarau

Ke moua e NCEA, kua lata ia koe ke moua 10 e ola mai he Totou mo e Tohitohi po ke Te Reo Matatini mo e 10 e credits ola mai he i Tau Numela po ke Te Pāngarau ke kitia kua maeke ia koe ke fakaaoga mo e maama e vagahau, pihia foki mo e tau i numela. Maeke foki ia koe ke moua e tau ola mai he falu a fakaaoga ne kua fitā he fai omoiaga ko e totou mo e tohitohi, tau numela po ke mai te reo matatini me te pāngarau.


Ko e tau ola nai kua fakahigoa ai ko e tau 'co-requisites' ha kua lata ke uta fakalataha mo e tau credits ke moua e NCEA.

Loga e tau magaaho ke maeke ia koe ke ke moua e tau ola nai ke he magaaho ne fano agaia ai he aoga tokoluga, mo e ka moua e koe e tau ola nai kua pehē mai e mena ia kua katoatoa tuai e tau

fakatokatokaaga ke lata mo e Totou, Tohitohi mo e tau Numela Te Reo Matatini me te Pāngarau ma e tau fakapapahiaga oti ne tolu he NCEA.

Kaeke kua fitā he moua e koe e tau ola nai mai he tau tau 2023 po ke fakamua atu ua liu ke lali ke taute foki.

Kitekite atu e ata vitiō hagaaō ke he NCEA he: [www.nzqa.govt.nz/ncea-video](http://www.nzqa.govt.nz/ncea-video)





## Standards mo e tau Ola

Ko e tau fakaakoaga oti ka taute e koe to fuafua ai mai he tau standards kua fakatokatoka mai.

Ko e tau fakaakoaga oti ka taute e koe to fuafua ai mai he tau standards kua fakatokatoka mai. Kua tohia mai he tau standards nai e tau faahi kehekehe ma e tau maamaaga mo e tau pulotu. Hā hā i ai foki e falu a standards mailoga aki e mātauranga Māori (maamaaga ke he faahi Māori). To fifili ai he tau aoga e tau fakaakoaga ke taute mo e tau standards fē ke fakaaoga ma e tau fakaakoaga ia.

Maeke foki ia koe ke moua e tau ola mai he falu a fakaholoaga ki fafo he poko aoga. Hanei falu a fakaholoaga ia:

fakaako ke moua e tohi fakaholo motokā

---


matutaki atu ke he tau feua koli kapa haka po ke *Polyfest*

---


fakakatoatoa e tau gahua po ke tau fakaholoaga fakaako.

---

Igatia e tau standards mo e tau ola. Ka moua e koe e taha standard, to moua oti e koe e tau ola kua fakatoka ke lata mo e standard ia, ti ko e tau ola nai ka fakaputu fakahaga ke lata mo e NCEA.



Maeke e aoga haau ke tuku atu e tau fakaakoaga ke moua aki e NCEA he tau Fakapapahiaga 1, 2 mo e 3.



### Tau Fakaakoaga

Ko e haau a tau fakaakoaga to fai kikiteaga atu ke he tau standards kua fakatokatoka.



### Credits

Igatia ni e standard mo e tau ola kua fatifati ki ai.

## Tau Fakaakoaga

Demonstrate understanding of how context shapes verbal language use	Demonstrate understanding of specific aspects of studied text	Develop ideas in writing using stylistic and written conventions	Demonstrate understanding of significant aspects of unfamiliar texts
91924	91925	91926	91927
5 credits	5 credits	5 credits	5 credits

# Fuafuaaga / Tau Kamatamata



Ko e tau kamatamata i ke fuafua aki mo e kitia ko e heigoa haau kua iloa mai he tau fakaakoaga. To kehekehe e tau puhala ne maeke ia koe ke fakakite aki e tau mena nei, tuga e hakahaka ke he tohi totou, tohi tala po ke taute taha fakamatalaaga. Ko e haau a tau gahua to maeke ia ke taute e tau fuafuaagapo ke kitekiteaga ke he aoga po ke ki fafo he aoga.



## **Tau kamatamata**

Tau kamatamata ki loto he aoga to maaka he tau faiaoga he aoga haau.

## **Ko e tau kamatamata**

Ko e tau kamatamata ki fafo he aoga to maaka ai he tau faiaoga ne kua fifili mai i fafo, fakamaopoopo ai he NZQA. Putoia ki ai e tau kamatamata he matahiku tau, ne taute ki luga he kupega hila po ke tohi ke he tau lau pepa, Common Assessment Activities, mo e tau fakaakoaga kua pota mo e oko fakalataha po ke Kete Manarua ne taute ai he aoga haau.

## Tau Tūaga

Ko e tolu la e faga standards ne fakaaoga ke moua aki e NCEA: achievement standards, unit standards mo e skill standards.

Maeke e tau Achievement standards ke taute ni ki loto he aoga po ke ki fafo he aoga. Lahi he tau magaaho kua taute ni he aoga e tau Unit standards mo e skill standards.

To fakakite he tau fakapalepaleaga e nei e mitaki he haau a tau gahua ka oti e standard he taute.

Ko e fā la e tūaga po ke fakapalepaleaga ma e tau achievement standards:

**Not achieved (N)** nakai la hokotia ia ke he fatifatiaga

---

**Achieved (A)** kua hokotia ke he fatifatiaga

---

**Merit (M)** hokotia ke he fatifatiaga mo e mitaki lahi e tau gahua

---

**Excellence (E)** hokotia ke he fatifatiaga mo e tokoluga lahi mitaki he tau gahua.

---

Ko e falu a unit standards mo e skill standards kua fakaaoga e N, A, M mo e E ma e tau tutūaga po ke tau fakapalepaleaga ka ko e falu fakaaoga ni he A mo e N.



## **Tau Kamatamata**

Taute e tau kamatamata he matahiku tau ma e NCEA he mahina ha Novema. Ko e tau magaaho kamatamata kua fakatokatoka ke foaki atu lahi e tau magaaho ke fakakite mai haau a tau mena kua iloa. Fa mahani e tau ola mai he tau kamatamata ke fakatoka mai he vahālototo he mahina ha lanuali, mo e maeke foki ia koe ke kitia e tau pepa kamatamata haau he kupega hila he NZQA, fakaaoga e numela fakamauga haau ke kumi atu ki ai.

Loga e tau aoga ne maeke he tau fanau ke taute e tau kamatamata he NCEA, fakaaoga e tau lakau hila tuga e PC po ke laptop. Taute e tau kamatamata nai ke he tau aoga ha mutolu ki lalo hifo he levekiaga he matakau NZQA. Kaeke kua taute haau a kamatamata mo e fakaaoga he tau lakau hila kua lata he aoga haau ke gahua fakalataha mo koe ke iloa mooli kua mitaki e kololo hila haau ke fakaaoga, mo e fakamahani foki a koe ke he tau puhala kamatamata nei.

## **Tau Kitekiteaga po ke fakapalepaleaga pauaki ma lautolu kua fai matematekelea.**

Kaeke kua fai lekua ke he haau a tino, fai gagao po ke falu a mena kua uka mo e lauia ai e haau a tau fakaakoaga, kua fai tonuhiaaga a koe ke he fakaholoaga ne higoa ko e Special Assessment Conditions (SAC) ke lata mo koe.

Moua e tau lagomatai mai he SAC ke lata mo e kitekiteaga po ke fakapalepaleaga ki loto he tau aoga mo e ki fafo he tau aoga.

Ka fai hūhū hagaa ke he SAC, kumikumi atu ke he tau faiaoga haau.

# Tau Fakamooliaga



Kaeke kua tumau e mitaki he haau a tau fakaakoaga, to fai fakamooliaga po ke omoiaga ke he haau a tau ola. Ko e ua la e fakamooliaga pehē nai: fakamooliaga he fakamailoga mo e fakamooliaga he fakaakoaga.



## **Fakamooliaga ma e Fakamailoga**

Ko e fakamooliaga he fakamailoga ke fakakite aki e tuaga tokoluga he he tau fakaakoaga ne kua fakaako a koe ki ai.

Kaeke kua moua e koe 50 ki luga e ola ke he tūaga ko e Excellence he Fakapapahiaga 1, to fakamooli Excellence ai e Fakamailoga NCEA Fakapapahiaga 1 haau.

Kaeke kua moua e koe 50 ki luga e ola ke he tūaga Merit (po ke tokoluga) to fakamooli Merit e Fakamailoga NCEA Fakapapahiaga 1 haau.

Tatai ni e tauteaga kaeke kua fakaako a koe ke he Fakapapahiaga 2 po ke 3.

Maeke e tau ola mai he Fakapapahiaga 2 ke fakaaoga ke fakamooli aki e Fakamailoga he Fakapapahiaga 1, po ke tau ola mai he Fakapapahiaga 3 ke fakamooli aki e tau Fakamailoga he Fakapapahiaga 1 po ke 2.

Maeke ke moua mai e tau ola ma e tau fakamooliaga ke he fakamailoga NCEA ke he taha ki luga e tau.

## **Fakamooliaga he tau Fakaakoaga**

Fakamooliaga ke he tau fakaakoaga ke mailoga aki kaeke kua mitaki e fakaakoaga ia.

Ke moua e fakamooliaga ke he loga he tau fakaakoaga, kua lata ia koe ke moua 14 e credits he Achieved, Merit po ke Excellence ke he haau a fakaakoaga he taha e tau, mo e tolu ki luga e credits mai he tau fuafuaaga he aoga mo e tolu foki ki luga e credits mai he tau fuafuaaga i fafo he aoga.

Fakataitai pēhē, ke moua e fakamooliaga ke he haau a fakaakoaga Cooks Island Māori, kua lata ia koe ke moua 14 e credits

Excellence, mo e tolu ki luga mai he tau fuafuaaga he aoga mo e tolu mai he kamatamata fakahiku tau.

Maeke ke fakaaoga e tau credits mai he Excellence, Merit po ke Achieved ke fakamooli e Achieved. Nakai moua oti e tau fakaakoaga ke he Fakamooliaga nai – kumikumi atu ke he aoga haau ka manako ke iloa.

# University Entrance





Kua lata ia koe ke moua e University Entrance (UE) ka manako ke finatu hako mai he aoga ke he aoga pulotu. Ha kua moua e koe e University Entrance kua hafagi atu foki ki a koe koe ke fakaako ke he tau aoga pulotu he tau motu i fafo.

Kamata mai he tau 2024, ke moua e fakamailoga UE, kua lata ia koe ke moua e tau mena nai:

NCEA Fakapapahiaga 3.

---

14 e ola mai he tolu e tau fakaakoaga kua fakatoka ki ai he Fakapapahiaga 3.


---

UE Literacy – 10 e he ola mai he Fakapapahiaga 2 po ke tokoluga (5 mai he totou, 5 mai he tohi tala) mai he tau standards kua fitā he fakatoka.

---

UE Numeracy – 10 e ola mai he Fakapapahiaga 1 po ke tokoluga mai he tau standards kua fitā he fakatoka.

---



Kumi atu ke he aoga ke iloa tonu kua uta e koe tolu e matapatu he tau fakaakoaga ke moua aki e UE ke he totou/tohi tala

mo e tau numela I tuga kua manako ki ai. Finatu ke he kupega hila nai ke moua falu a fakailoaga haggao ke he tau fakaholoaga nai. [www.nzqa.govt.nz/university-entrance](http://www.nzqa.govt.nz/university-entrance)

Fa mahani ke foaki e fakamailoga University Entrance nai he mahina ha lanuali.

Igatia ni e tau aoga pulotu mo e ha lautolu a tau fakatokatokaaga ma e ha lautolu a tau fakaholoaga fakaako. Fakakia atu ke aoga pulotu ne manako a koe ke finatu ki ai ke iloa ha lautolu a tau fakatokatokaaga. Falu a magaaho to kitekite atu e aoga pulotu ke he haau a tau Fakamailoga Veveheaga 2 ka taute ha lautolu a tau fifiliaga.

## **Fakaaogaaga he NCEA ke he tau motu kehe**

Hafagi atu he NCEA e tau fakaakoaga ke he tau aoga pulotu i ke he tau motu kehe, ka ko e hanei falu mena mahuiga kua lata ia koe ke iloa.

Kua lata ia koe ke kumikumi atu fakamua ko e heigoa e tau fakatokaaga ke he tau motu ne kua manako a koe ke finatu ke fakalaulahi haau a tau fakaakoga. Ko e falu motu fai fakatoakaaga ke he tau ola ne kua lata ke moua he Fakapapahiaga 3, mo e kua lata foki ia koe ke fai fakakiteaga kua fitā ni he taute e tau fakaakoaga fakamahino ke he tau matapatu faahi fakaako ia.

Kaeke kua manako a koe ke taute haau a tau fakaakoaga i Australia, lali fakalahi ke moua e tau ola ke he excellence mo e merit he Fakapapahiaga 3 ke he tau matapatu fakaako ne kua fakamooli ke moua e University Entrance. Kua lata ia koe ke moua e University Entrance mo e ola tokoluga ke he ATAR (Australian Tertiary Admission Rank). Taute he NZQA e tau ola he ATAR ke lata mo e tau fanau aoga ke he mahina ha lanuali he tau tau takitaha.

## **Nakai totogi e tau fakaakoaga**

Ka manako a koe ke fakalaulahi e tau fakaakoaga ke he tau faahi trade poke putoia ke he tau fakaakoaga he tau aoga pulotu, maeke a koe ke iloa ko e tonuhia nakai a koe ke tau fakaakoaga nai mo e nakai totogi e tau fees.

Ke moua e tau fakamaamaga tutala ke he oaga haau po ke kumi atu e kupega hila [www.feesfree.govt.nz](http://www.feesfree.govt.nz)



# Tau sikolasipi Niu Silani (NZ Scholarship)



Kaeke kua mokoina lahi a koe ke he po ke manako ke fakatolomaki ki mua haau a lotomatala, tutala atu ke he aoga ke he tau puhala ke moua aki e tau NZ Scholarship.

Kaeke kua mokoina lahi a koe ke he po ke manako ke fakatolomaki ki mua haau a lotomatala, tutala atu ke he aoga ke he tau puhala ke moua aki e tau NZ Scholarship.

Ko e NZ Scholarship ke lata ia mo lautolu ne mua atu e lotomatala ke he tau fakaakoaga takitaha. Ko e tau fanau aoga ne moua e sikolasipi ke he taha po ke loga e subjects to fakapalepale tupe a lautolu.

Ko e tau fanau aoga ne moua e Top Subject Scholar po ke Premier Scholar Awards to mailoga foki a lautolu ke he tauteaga he NZQA's Top Scholar Awards.

Kehekehe e tau fakatokatokaaga ne maitua ki ai e NCEA mo e New Zealand

Scholarship ti kehekehe foki e taumagaaho ka fai kitekiteaga ki ai. Nakai tatai e New Zealand Scholarship mo e tau sikolasipi ne foaki mai he tau matakau kehekehe, tau faahi pisinisi, iwi mo e falu a faahi fakaako.

Kua lalafi atu foki e Te Ao Haka ma e taha fakaakoaga he New Zealand Scholarship subject, kamata mai he tau 2025, to lalafi atu foki e Psychology mo e Digital Technologies ke he fakaholoaga New Zealand Scholarship.

## Tau Puhala Moua Gahua

Kua kitia mai he Tau Puhala Gahua e mahuiga he tau aoga; mo e lagomatai atu (ki a) koe ke moua falu a fakaakoaga mo e moua e tau gahua.



Ko e ono la e faahi he Tau Puhala Moua Gahua:

Construction and Infrastructure

---

Creative Industries

---

Manufacturing and Technology

---

Primary Industries

---

Service Industries


---

Social and Community Services.

---

To foaki atu e Fakamailoga ma e Tau Puhala Moua Gahua kaeke kua oti haau a fakaakoaga ke he taha e puhala gahua.

Ko e Fakamailoga nai kua kitia ki ai e aoga he haau a tau fakaakoaga mo e muiua atu ke he tau manako mai he tau faahi gahua, mo e moua ai e fakamailoga ma e tau puhala gahua kua moua ai e koe.



Hā hā he kupega ha NZQA e tau fakailoaga ke he Tau Puhala Moua Gahua [www.nzqa.govt.nz/pathways](http://www.nzqa.govt.nz/pathways)



# Tau Koloa Aoga





## **New Zealand Qualifications Authority**

[www.nzqa.govt.nz](http://www.nzqa.govt.nz)

0800 697 296

Tau fakailoaaga hagai ke he NCEA putoia ai foki:

fakailoaaga ke he tau fakaakoaga kehekehe

---

tau koloa fakaako ma e tau fakaakoaga kehekehe

---

fakaholoaga ma e tau kamatamata

---

fakailoaaga ke he tau fakaakoaga Māori mo e tau koloa fakaako.

---

Tau fakailoaaga hagai ke he University Entrance.

## **Ministry of Education**

[ncea.education.govt.nz](http://ncea.education.govt.nz)

[www.education.govt.nz](http://www.education.govt.nz)

04 463 8000

Tau fakailoaaga hagai ke he tau faahi fakaako i New Zealand, tau fakaholoaga fakaako, tau hikihikiaga Ke he NCEA, tau standards foou, literacy mo e numeracy, mo e tau koloa lagomatai ma e tau faiaoga mo e tau aoga.

## **Fees Free**

[www.feesfree.govt.nz](http://www.feesfree.govt.nz)

0800 601 301

Kumikumi atu ke iloa po ke putoia nakai a koe he fakaholoaga nai po ke fakaako mo e nakai fai totogi.

## Vocational Pathways

[www.youthguarantee.net.nz](http://www.youthguarantee.net.nz)

[vocational.pathways@education.govt.nz](mailto:vocational.pathways@education.govt.nz)

04 463 8000

Tau fakailoaaga hagaa ke he Tau Puhala Moua Gahua.

## Careers.govt.nz

[www.careers.govt.nz](http://www.careers.govt.nz)

0800 601 301

Totou mo e onono atu ke he 400+ e tau fakamaama gahua

---

Moua mai falu a lagatau moua gahua mo e tohi e CV

---

Totou atu ke iloa falu a tau fakaakoaga kehekehe

---

## Matutaki mai kia mautolu

Telefoni: 0800 697 296

Kupega Hila:

[www.nzqa.govt.nz](http://www.nzqa.govt.nz)

Imeli:

[helpdesk@nzqa.govt.nz](mailto:helpdesk@nzqa.govt.nz)

Facebook:

[www.facebook.com/nzqaofficial](http://www.facebook.com/nzqaofficial)

Instagram:

[www.instagram.com/nzqa.official](http://www.instagram.com/nzqa.official)

X:

[www.x.com/nzqaofficial](http://www.x.com/nzqaofficial)


Niuean version

Published February 2024

Several images in this document are property of ASB Polyfest. Credit: Ben Campbell & Thomas Wandstraat



Mana Tohu Mātauranga o Aotearoa  
New Zealand Qualifications Authority



[www.nzqa.govt.nz](http://www.nzqa.govt.nz)